

docriver 文川网
古籍书城
入驻商家
在文川网搜索古籍书城 获取更多电子书

中國方志叢書·華北地方·第三三七號

據清·宣統元年刊本
清·王學伊等纂修
影印

甘肅省

固原州志

(一)

成文出版社有限公司印行



中國方志叢書·華北地方·第三三七號

據

清·宣統元年刊本
王學伊等纂修

影印

甘肅省

固原州志

(二)

成文出版社有限公司印行



10098501

中國方志叢書·華北地方·第三三七號

據清·宣統元年刊本 王學伊等纂修 影印

甘肅省

固原州志

(三)

成文出版社有限公司印行



10098502

docsriver 文川网
入驻商家 古籍书城

在文川网搜索古籍书城 获取更多电子书

中華民國五十九年 月壹一版

固原州志

全三冊

發行人：**黃 成 助**

台北郵政信箱二二六〇五號

出版者：**成文出版社有限公司**

台北郵政信箱二二六〇五號

台北市羅斯福路三段279之二號

電話：三七〇一三二號

印刷者：**東南印製廠有限公司**

和平西路二段70巷83弄29號

內政部登記證內版台業字第一一四七號

新脩固原州志

襄平錫麟

題



光緒丁未開修
宣統己酉告成

新修固原直隸州志附種河城志

目錄

序言 官銜 凡例 圖繪 圖說

天文志 分野 經緯度 氣候

地輿志 建置 驛站 疆域 舖司 城池 古蹟 山川 戶口 祠宇 官署 塚墓

官師志 一 歷朝名宦 文武職官

官師志 二 國朝名宦 文武職官 兩俸饌

貢賦志 蠲恤 額徵 倉儲 估撥 義倉 物產

學校志 職官 講所 學額 祀典 書院 禮節 山長 樂章 學堂 教堂 文武諸生

兵防志 營制 防營 塘汛 馬廠 紀戰

人物志一 后妃 歷朝鄉賢仕進

人物志二 國朝鄉賢仕進 忠義

人物志三 孝子 節烈附貞女 賢淑 隱逸 懿行 方技

藝文志一 繪音 表 對 奏疏

藝文志二 奏疏 策 論 序 傳 誠 記

藝文志三 記 墓銘 祝文 賦 頌 跋 示 批答 稟牘

藝文志四 墓銘 碑碣 古今體詩 楹聯

庶務志 統計 選舉 藝政 礦務 商務 電政
鹽務 農林 巡警局 同仁局 戒煙局

試驗場 習藝所
養濟院 監獄

軼事志 詳異 風俗 漢回冠婚喪祭禮 社會 雜錄

新修固原州志序

志猶史也而史有專官志則無之。重有賴於官斯土之才且賢者固原直牧文水王平山名進士也來官斯郡適通志局札修志乘而舊志止上下兩卷自明中葉失修蓋數百年矣同治初復經回亂州治淪陷累歲大劫浩然今雖瘡痍漸復圖籍罕存文獻奚攷矧

國家百度維新新令日至有司方兼營並舉之未遑乎平山蒞固以來凡學堂巡警工藝諸要政殫精竭慮既莫不剋期畢舉志乘且廣爲十二冊分以十總綱繪圖三十六繫目九十五詳而能賅信而有徵皆本其家藏史集及城鄉所

探訪較諸舊志雖驟增數倍然簡所必簡非繁所不必繁未嘗不撮凡舉要一以元和朝邑兩志爲準的而或失之附會夸飾致有待後來蕭山新志刊誤之作蓋其慎也平山誠賢矣乎抑才尤有過人者雖然志猶史也以平山之才既成進士竟未獲簪筆木天與修

國史乃僅於一州志乘略見其才亦微憾也所期宏此遠謨事必責實卽此力修志乘舉舉要政之一心推而至於事上使民兢兢業業無或第以才見則賢勞所積予以副民望登上考屹然蔚爲

國家異日柱石而名宦中又增一宏濟之偉人實有厚望

焉平山其勉之

宣統建元己酉立秋後

署之崆峒山館

勳熙麟序於隴東道

一

二

三

新修固原州志序

余髫年受書壯懷投筆一勞戎馬閱數十稔矣光緒丙午
以西甯總兵恭膺

簡命提督全秦駐節斯邦時以不才滋懼惟幸運值隆平邊庭
臥鼓治軍之暇更得稍理舊編亦樂事也一日刺史王公
平山詣余署見案頭置陝西通志因相討論王公慨然曰
陝志誠善矣若我固原據七關之形勝爲九塞之咽喉洵
稱重鎮而我

朝鼎興三百餘年州志闕如良可憾耳余謂王公曰徵文考獻
史家之長闡幽發微守令之責子盍承纂以成此三百餘

年未有之創舉乎王公欣諾於是朝繙乙史暮校丙函樹
型道德之林選言文章之府舉所謂天文地理民風物產
名宦鄉賢孝子節婦仁人耆耆一碑碣一詩詞莫不搜括
而表章之其時閱三百六旬其書積一十二冊削青既竟
問序於余余紬繹再四遂大言於王公曰子之志余知之
矣凡志學校者曰尙選舉也曰重徵辟也而子則恭錄庶
典兢兢於賢儒之從祀殆承先而迪後歟凡志兵防者曰
嚴卡隘也曰慎軍械也而子則遠稽戰事矐矐於夷夏之
交攻殆居安而思危歟人所略子詳之人所輕子重之作
者苦心百世不泯至一宏篇巨製蒐羅廣博有非徒以七

關形勝九塞咽喉爲斯郡稱者且固原有舊志焉前明劉
總制所作也採錄明代事實爲上下卷積紙不能盈寸今
子驟爲增輯於古今典要歷歷如數家珍而猶慮有遺軼
以補纂望來者謙謙君子惟子頌焉余雖武人而於子之
志其視陝志爲何如視劉志爲何如固有心藏心寫爲之
拱服贊歎而不能自己者在也清夜淪茗焚香靜讀覺几
案間有金石聲噫異哉用書此以爲固原億萬姓告
宣統紀元歲在屠維作噩月次終相哉生明日蒲城張行
志雲亭甫序蕭關提解之鎮邊樓

上原少志

夕一

一筆書局刊印

docsriver 文川网
入驻商家 古籍书城

在文川网搜索古籍书城 获取更多电子书

新修固原州志序

州縣之有志猶歷代之有史也史綜古今治亂之由志則備太史輶軒之採體例雖殊鑒則一也然非燕許之大文章以討論而潤色之則譚陋無文幾何不貽羞於大雅固原舊志區區者僅兩卷耳自前明失修以來數百年凋零磨滅文獻舉付之闕如誰歟其宏此遠謨以成一代人文之盛此攷古者每不勝杞宋之憂也今我同鄉平山王公以名進士而官斯土又值新政迭興之日國計民生無不振刷精神以仰副

朝廷力求進步之宗旨夙夜從公其用心亦幾勞勞矣不謂案

續之暇復慨然以修志自任謂

國家當百度惟新其政體已日進於文明獨一州之志而不爲之改良悠忽孰甚焉於是即其舊志詳加披覽凡建置賦役文教武衛以及風土人物舉前志之未及網羅者別類分門無不採擇精詳煥然而改觀於以知此書之成其名雖因其實則創也彼王公博攷旁稽絕不辭蒐輯之勞而殷殷以期成完璧者夫豈徒藻采續紛和聲而鳴盛哉蓋以爲夷惠之風猶奮乎百世之下况此志之所表章者非乃祖即乃父若子若孫苟睹先世之流風未必不歡欣鼓舞油然而動其慨慕之忱將若者爲蓋臣焉若者爲孝

子焉若者爲義夫貞婦焉進化之速不必董之以威而稱
仁說義有較從前而習俗愈形其厚者異日採風使者猝
焉戾止見其揖讓雍容彬彬合度將銘之金石播之聲詩
懿鑠哉此不獨此邦之人之榮亦足以爲一代之光已於
以嘆 王公之所見者大所期者遠於彼都人士誠有撫
之殷而望之切者至此編之綱舉目張有條不紊猶其事
之末焉者爾

宣統紀元歲在己酉中秋月山右東敬儀翰鴻于達氏序
於金城三晉會館

固房州志

卷一

一 官率習風持白

新修固原州志序

志者記也記一郡之土地人民而爲政事之施然非文簡事賅去取得當何以垂久遠昭爛戒耶郡志修自萬曆朝閱三百餘年事蹟闕如復屢遭兵燹文獻無徵故事遺跡再閱數十年恐無有能道之者今讀

平山直刺新纂郡志凡十二卷其義法文筆諸序已詳言之茲不贅獨至戎事一則紀同治朝殉難忠節烈女痛定思痛直令人恨當日柄政者以無識貽誤事機郡城數百萬生靈付之一燼也前代人物尙矣紀至

國朝中興諸名將其戰蹟真有磊磊軒天地者語云關西出將

不誠然乎斯志之作使一郡人民忠君愛國之忱油油然有不可遏止之勢焉

直刺之有造於斯郡豈曰小補之哉

宣統紀元秋八月補用府經歷關中夏彭齡松山甫謹序於蘭州官報書局差次

固原新志序

大凡事之出於因者則易而出於創者則難知其難而必爲之將毋爲後起之人示所據依踵實增華不踰軌轍歟然非有軼衆之才與過人之識慨然自任不憚咨諏詢度之勞分編合纂之苦積日成月積月成歲丹鉛在握考古稽今不能從事於茲讀固原新志心怦怦焉蕭關昔號重鎮鎖鑰隨東南達高平往來輦道瓦亭扼其吭北通銀夏沙漠之區賀蘭負其背西指金城接伊涼而度玉門揆厥全局氣勢所吞吐也故勝朝以總邊制之地居上游防戍爲重

國家承平數百年矣櫜弓脫劍示不用兵同治初肘腋變生城陷於寇鋒鏑之餘文獻不足越十稔文襄左公駐節涇原移師剿撫嗷鴻澤集是以改州爲直隸佐以硝河立平海二邑設同心城巡司打拉池邑丞屬之亦一大郡會也唯民俗喬樸其間文武輩出忠孝節烈豪俠任義狷潔自好之士後先相望使其事蹟不筆於書代遠年湮無從徵信况舊志闕如統散無紀守土者與責焉

平山直刺來蒞是邦亟新斯志竭淵才之識不憚勤勞恐挂漏之貽譏殫心哀輯甫經一載彙爲全帙創局也而因之理寓焉彼都人士異日徵文考獻得所持循爲力似

易斯亦拳拳不已知難而必爲難之苦心也則以是書爲
嚆矢之引云爾

宣統元年八月中秋後日甘肅徽縣典史皖南鄭錫鴻甫
雲賓識於薇垣精所差次

國史小記

卷一

二年春正月

新修固原直隸州志序

或問予曰志何爲而作也予應之曰人與人積而爲郡邑必然之勢也政與政發而爲風俗自然之理也夫既有郡邑矣風俗矣則所謂世運之興衰國法之隆替人民之智愚物產之良窳山陵川澤之變遷與夫一人一事一言一藝莫不有可作可述可法戒可勸懲而不可敝者以昭示於來茲此志之所以作也曰然則志何助乎曰周禮大司徒掌土地之圖小史掌邦國之志而志郡縣者詳莫詳於元和簡莫簡於武功要皆史乘遺意後之人雖欲則倣之彷彿之而不能得其萬一者也曰然則子之志固原者詳

乎簡乎殆有所取法乎曰固原當三代之際猶居戎狄秦漢而下迺隸版圖歷唐宋元明累阨於蕃虜誠干戈戎馬之場也迭置爲邊塞亦野曠游牧之所也雖其間人材代興文明大啟屹然稱重鎮而禦邊之策防秋之舉幾於史不絕書洎乎

國朝德威遠讐分建陝甘行省遂移三邊總制於蘭州而仍以提督駐此此實衝要地也同治紀元花門搆亂兵燧連年人民簸蕩圖籍淪湮於此而欲徵文考獻憂憂乎難之予之志惟以耳所聞目所見採訪所及者實事求是焉耳未敢遽言取法也建國分陜上應躔宿故志天文分封列縣

docsriver 文川网
入驻商家 古籍书城

在文川网搜索古籍书城 获取更多电子书

閱世沿革故志地輿治安撥亂以重職守也故志官師任
土作貢以鬯實業也故志貢賦同風一道則基於膠庠故
志學校奮武削難則資於袍澤故志兵防縉紳之選忠節
之操足光簡籍者故志人物方策所存謳吟所發足被絃
誦者故志藝文而復綜之以庶務搜之以軼事冠以圖說
列以例言是即予之所志也猥云詳乎猥云簡乎古人云
志者史也無史才則陋無史學則野無史識則鑿三者予
無一焉殆所謂陋且野野且鑿也江文通有作志最難之
歎其信然歟曰子知其難吾又何說予曰唯唯志旣成爰
自敘之如此

皇清宣統紀元屠維作噩閏花朝終寤日文水王學伊平山甫

敘於蕭關補春榭

一 年 學 書 月 廿 日

聖清宣統紀元屠維作噩閏花朝終寤日文水王學伊平山甫

敘於蕭關補春榭